



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-2-40-540-7/23**
Datum: **28.03.2024. godine**

«Agencija za vodno područje rijeke Save» Sarajevo rješavajući po uočenoj tehničkoj greški donosi ispravku rješenja broj: UP-1/21-2-40-540-6/23 od 21.03.2023. godine u smislu ispravke datuma donošenja rješenja, na osnovu člana 217. stav (1) Zakona o upravnom postupku («Službene novine Federacije BiH», broj 2/98, 48/99 i 61/22),

ZAKLJUČAK **o ispravci greške u rješenju**

1. U Rješenju o vodnoj saglasnosti ovog organa broj: UP-1/21-2-40-540-6/23 od 21.03.2023. godine, ispravlja se greška u datumu donošenja rješenja tako da umjesto datuma „21.03.2023. godine“, treba da stoji datum: **21.03.2024. godine.**
2. Ovaj zaključak čini sastavni dio rješenja navedenog u tački 1. ovog zaključka i dostavlja se strankama kojima je dostavljeno Rješenje.
3. U ostalom dijelu rješenje ostaje nepromijenjeno.

Obrazloženje

Nakon što je uočena tehnička greška u rješenju ovog organa broj: UP-1/21-2-40-540-6/23 od 21.03.2023. godine, Agencija je pristupila ispravci uočene tehničke greške u datumu donošenja rješenja tako da umjesto datuma „21.03.2023. godine“, treba da stoji datum: **21.03.2024. godine.**

Ostali dio teksta rješenja ostaje nepromijenjen.

Iz razloga gore navedenog, a u skladu sa članom 217. stav (2) Zakona o upravnom postupku («Službene novine Federacije BiH», broj 2/98, 48/99 i 61/22), riješeno je kao u dispozitivu.

Uputa o pravnom lijeku:

Protiv ovog zaključka može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema zaključka.

Žalba se podnosi neposredno pismeno ili preporučeno putem pošte ovom organu i taksira se sa 15.00 KM administrativne takse, prema tarifnom broju 3. Tarife federalnih administrativnih taksi.

Obradivač akta

Nihad Pezo, dipl.inž.grad.

Po ovlaštenju
Rukovodilac sektora za izdavanje
vodnih akata


Haris Ališehović, dipl.inž.grad.

Dostaviti:

- JP „SPD Zeničko-dobojskog kantona“ d.o.o Zavidovići
Ul. Alije Izetbegovića br. 25, 72220 Zavidovići
- JKP „Vodovod i kanalizacija“ d.o.o. Zenica, Ul. Bistua Nuova br. 17, 72000 Zenica
- ⊖ AVP Sava – ISV Vodna knjiga
- Org.jed. 40 – Arhiva
- Oglasna ploča - AVP Sava



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-2-40-540-6/23**

Datum: **21.03.2023. godine**

Agencija za vodno područje rijeke Save" Sarajevo rješavajući po zahtjevu JP „Šumsko privrednog društva Zeničko-dobojskog kantona" d.o.o. Zavidovići u postupku izdavanja vodne saglasnosti za aktivnost kontrolisane sječe i krčenja šume na prostoru zaštitnih zona vodozahvata „Babina rijeka", Zenica, na osnovu člana 139. stav (1) tačka 10., a u vezi sa članom 114. Zakona o vodama („Službene novine Federacije BiH", broj 70/06) i članova 200. stav (1) Zakona o upravnom postupku („Službene novine Federacije BiH", broj 2/98, 49/99 i 61/22) donosi:

RJEŠENJE **o vodnoj saglasnosti**

1. Podnosiocu zahtjeva, JP „Šumsko privrednom društvu Zeničko-dobojskog kantona" d.o.o. Zavidovići, daje se vodna saglasnost za aktivnost kontrolisane sječe i krčenja šume koji se trebaju provoditi prema tehnologiji izvođenja radova datoj u tehničkoj dokumentaciji:
 - Elaborat za vodnu saglasnost za aktivnosti kontrolisane sječe i krčenja šume na prostoru zaštitnih zona vodozahvata „Babina rijeka", općina Zenica, urađen od strane „DESIGN&QC" d.o.o. Sarajevo, august 2023. godine, (u daljem tekstu Elaborat).
2. Ovu vodnu saglasnost podnosilac zahtjeva može koristiti samo u postupku pribavljanja dozvole za sticanje prava na aktivnosti kontrolisane sječe i krčenja šume na predmetnom lokalitetu, od strane drugog nadležnog organa u skladu sa važećom legislativom i provedbenim propisima iz oblasti šumarstva.
3. Vodna saglasnost se daje pod slijedećim uslovima:
 - 3.1. Da se opisane aktivnosti i zahvati u prostoru izvrše u skladu sa priloženom projektnom dokumentacijom: Elaborat za vodnu saglasnost za aktivnosti kontrolisane sječe i krčenja šume na prostoru zaštitnih zona vodozahvata „Babina rijeka", općina Zenica, urađen od strane „DESIGN&QC" d.o.o. Sarajevo, august 2023. godine.
 - 3.2. Da korisnik ove vodne saglasnosti prije početka izvođenja radova, a najkasnije sedam dana prije, pismenim putem uputi obavještenje o planiranim aktivnostima Federalnoj vodoprivrednoj inspekciji u Sarajevu, kantonalnoj inspekciji za šumarstvo i kantonalnoj inspekciji za vode i JKP „Vodovod i kanalizacija" d.o.o. Zenica.
 - 3.3. Da u saradnji sa operaterom/korisnikom izvorišta „Babina rijeka", JKP „Vodovod i kanalizacija" d.o.o. Zenica, ŠPD Zeničko-dobojskog kantona d.o.o. Zavidovići definiše dinamiku provođenja aktivnosti na predmetnim radovima, vodeći računa da se aktivnosti mogu vršiti u sušnom vremenskom periodu, kako bi se izbjegala devastacija raskvašene podloge i moguće narušavanje promjene kvaliteta vode.
 - 3.4. Da u periodu neposredno prije početka radova korisnik ove vodne saglasnosti u saradnji sa predstavnicima JKP „Vodovod i kanalizacija" d.o.o. Zenica utvrdi trenutno stanje kvalitativno – kvantitativnog režima predmetnog izvorišta i stanja na prostoru zaštitnih zona izvorišta „Babina rijeka" („nulto" stanje koje će se nakon obilaska terena pismeno konstatovati i zvanično potvrditi od strane korisnika/operatera izvorišta „Babina rijeka") u cilju ostvarivanja pretpostavki za kontrolu istog tokom i nakon izvođenja predmetnih aktivnosti.
 - 3.5. Da se drvna masa iz zona sanitarne zaštite izvorišta „Babina rijeka", do prostora izvan ovih zona transportuje korištenjem postojeće transportne infrastrukture i postojećih vlaka uz uvažavanje svih mjera navedenih u Elaboratu, a sve u cilju minimiziranja negativnih uticaja na kvalitativno – kvantitativni režim izvorišta „Babina rijeka".
 - 3.6. Da se odabir i doznaka stabala za sječicu odnosi samo i isključivo na kontrolisanu sječicu u obimu i na način opisan u Elaboratu vodeći računa da se u ovom konkretnom slučaju kao najznačajnija ekološka funkcija šume tretira zaštita izvora vode za piće. Doznaku (dozvolu) za sječicu treba da se vrši u prisustvu nadležnog lica iz državnog organa koji ima nadležnost čuvanja državne šume, a predstavnik operatera izvorišta „Babina rijeka" treba imati mogućnost kontrole i uvida u ovaj dio aktivnosti.

- 3.7. Ukoliko se u toku izvođenja radova registruje promjena kvaliteta voda na izvoru „Babina rijeka“, radove na zahtjev operatera izvorišta „Babina rijeka“ trenutno obustaviti i utvrditi uzroke koji su doveli do promjene kvaliteta voda na izvoru i iste prije nastavka radova otkloniti.
- 3.8. Predvidjeti da se sav nastali otpad prikuplja i zbrinjava izvan površina obuhvaćenih uticajem velikih voda, a u skladu sa važećim propisima o postupanju sa otpadom i odlukom o zonama sanitarne zaštite izvorišta „Babina rijeka“.
- 3.9. Planom organizacije gradilišta koje će se formirati u funkciji provođenja navedenih aktivnosti, treba osigurati da mjesta za smještaj građevinske mehanizacije, tečnih goriva i maziva budu locirana izvan bujičnih tokova i nivoa plavnih voda i na takvoj udaljenosti da ne mogu imati negativan uticaj na izvorišta vode i stalne i povremene vodotokove.
- 3.10. Ukoliko se cisterne i rezervoari s gorivom planiraju postaviti na gradilištu, iste je potrebno postaviti u prihvatne posude ili izvesti s dvostrukom stjenkom prema posebnim propisima i izvan zone uticaja na površinske i podzemne vode.
- 3.11. Unutrašnji saobraćaj će se u toku obavljanja aktivnosti odvijati korištenjem postojeće transportne infrastrukture i postojećih vlaka koju treba popraviti i sanirati prije početka radova i dovesti u zadovoljavajuće stanje nakon izvođenja radova.
- 3.12. Tokom izvođenja radova mehanizacija i oprema koja će se koristiti u realizaciji navedenih aktivnosti ne smije ulaziti u vodotoke, osim na za to određenim prelazima, a nakon završetka radova moraju se ukloniti ostaci drveta iz korita vodotoka i zemljišnih čestica vodnog doba.
- 3.13. Neposredno nakon završetka radova neophodno je izvršiti sanaciju transportne infrastrukture, a kao mjera protiv nastanka erozionih procesa i jaružnih tokova na traktorskim putevima – vlakama, primjenjuje se poprečno izvođenje jaraka pod uglom od 30° na udaljenostima 20 – 50 m, u zavisnosti od uzdužnog nagiba.
- 3.14. U toku radova materijal – koji nastaje prilikom sječe šume i izvoza drvnih sortimenata se ne smije ni privremeno odlagati na česticu „vodno dobro“, odnosno u vodotoke i na njegove obale.
4. Korisnik ove vodne saglasnosti se obavezuje da se u cjelosti pridržava svih mjera zabrane i ograničenja navedenih u važećoj „Odluci o zaštiti izvorišta vode za piće Babina rijeka zeničkog vodovoda“ (Službene novine Zeničko-dobojskog Kantona broj 13. od 08.10.2003. godine).
5. Projektna dokumentacija navedena u tački 1. ovog Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog rješenja.
6. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim kao i postojeće korisnike voda.
7. Nadzor i kontrolu nad provođenjem kontrolisane sječe i krčenju šume u zonama sanitarne zaštite koordinirano će provoditi Federalna inspekcija za vode, kantonalne inspekcije za šumarstvo i kantonalne inspekcije za vode.
8. Ukoliko se u toku izvođenja radova na kontrolisanoj sječi i krčenju šume na prostoru zaštitnih zoni izvorišta „Babina rijeka“ prouzrokuju štetne promjene kvalitativno – kvantitativnog režima voda i to prouzrokuje štete drugim korisnicima voda, podnosilac zahtjeva je obavezan otkloniti uzroke nastanka štete, sanirati posljedice nastale štete, a procijenjenu štetu nadoknaditi.
9. Ova vodna saglasnost, shodno članu 114. stav (6) Zakona o vodama se daje sa rokom važenja od 2 (dvije) godine od dana pravosnažnosti ovog rješenja.

Obrazloženje

Svojim dopisom broj: 03-5792-05-2-2563/23 od 27.11.2023. godine, JP „Šumsko privredno društvo Zeničko-dobojskog kantona“ d.o.o Zavidovići, obratilo se ovoj Agenciji sa zahtjevom za izdavanje vodne saglasnosti na aktivnosti kontrolisane sječe i krčenja šume na prostoru zaštitnih zona izvorišta „Babina rijeka“ na teritoriji grad Zenica.

Uz zahtjev je dostavljena dokumentacija:

- Ovjerenu kopiju aktuelnog izvoda iz sudskog registra broj: 043-0-Reg-23-000910 od 21.08.2023. godine,
- Ovjerenu kopiju Uvjerenja o poreznoj registraciji sa identifikacionim brojem 4218431050005 izdato od strane Federalnog ministarstva finansija - Porezna uprava Federacije BiH - Kantonalni porezni ured Zenica, dana 10.11.2011. godine,
- Ovjerena kopija Obavijesti o razvrstavanju pravnog lica prema klasifikaciji djelatnosti, Federalni zavod za statistiku-Služba za statistiku za područje Zeničko-dobojskog Kantona, broj: 07-32.5-18954/16 od 19.07.2016. godine,

- Elaborat za vodnu saglasnost za aktivnosti kontrolisane sječe i krčenja šume na prostoru zaštitnih zona vodozahvata „Babina rijeka“, općina Zenica, urađen u augustu 2023. godine od strane pravnog lica „DESIGN&QC“ d.o.o. Sarajevo,
- Kopija rješenja o prethodnoj vodnoj saglasnosti, izdato od strane Agencije za vodno područje rijeke Save broj UP-I/25-1-40-419-4/20 od 03.11.2020. godine,
- Šumskogospodarska osnova za Šumskogospodarsko područje „Krivajsko“ (na CD-u), sa važnošću od 01.01.2017. do 31.12.2026. godine (2 knjige - CD), urađena 2016. godine od strane JP Bosanskohercegovačke šume d.o.o. Sarajevo,
- Kopija uplatnice administrativne takse u iznosu 60,00 KM i 3,0 KM federalne upravne takse.

Nakon izvršenog uvida u dostavljeni zahtjev i priloženu dokumentaciju utvrđeno je da uz zahtjev nisu ostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari i zatražio dopunu podneska dopisom broj: UP-1/21-2-40-540-2/23 od 19.12.2023. godine u kojem je zatraženo od podnosioca zahtjeva da dostavljeni Elaborat dopuni u skladu sa uslovima iz prethodne vodne saglasnosti u roku od 30 dana od dana urednog prijema dostavljene obavijesti. Podnosilac je dana 24.01.2024. godine dostavio zahtjev za produženje roka za dodatnih 15 dana.

Dana 15.03.2024. godine podnosilac je dostavio traženu dokumentaciju.

U provedenom postupku utvrđene su slijedeće činjenice:

Podnosilac zahtjeva je za potrebe izrade projektne dokumentacije angažirao projektnu kuću „DESIGN&QC“ d.o.o. Sarajevo koja je uradila Elaborat za vodnu saglasnost za aktivnost kontrolisane sječe i krčenja šume na prostoru zaštitnih zona vodozahvata „Babina rijeka“, općina Zenica. Projektna kuća „DESIGN&QC“ d.o.o. Sarajevo posjeduje ovlaštenja za izradu projektne dokumentacije broj UP-I-07-21/2-468/23 od 18.04.2023. godine, prema Pravilniku o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti („Službene novine Federacije BiH“ broj 17/08 i 38/12).

Elaboratom su predviđeni odjeli 76a, 77, 78, 89, 90 i 91 za kontrolisanu sječ i krčenje šume, na prostoru III vodozaštitne zone.

Podnosilac zahtjeva JP „Šumsko privredno društvo Zeničko-dobojskog kantona“ d.o.o. Zavidovići se bavi gazdovanjem šumama na području Zeničko-dobojskog kantona. Za planirane aktivnosti na kontrolisanoj sječi i krčenju šume za iskorištavanje šuma na prostoru zaštitnih zona izvorišta „Babina rijeka“ Zakonom o vodama je propisano je da se u postupku pribavljanja potrebnih odobrenja, obezbijedi i vodna saglasnost za tu aktivnost.

U postupku izrade Elaborata provedena je ocjena „nultog“ stanja predmetnog prostora i kvaliteta vode na vodozahvatu Babina rijeka dana 21.02.2024. godine izvršen je obilazak terena i uzeti su uzorci vode. Obilazak terena je izvršen uz prisustvo predstavnika JKP „Vodovod i kanalizacija“ d.o.o. Zenica, predstavnika JP ŠPD Zeničko-dobojskog kantona“ d.o.o. Zavidovići i obrađivača Elaborata („DESIGN&QC“ d.o.o. Sarajevo). U sklopu Elaborata je dostavljen Izvještaj o fizičko-hemijskoj i mikrobiološkoj analizi vode za uzorke od 20.01.2020.godine. Nulto stanje predstavlja ocjenu stanja kvalitativno – kvantitativnog režima voda na izvorištu prije početka aktivnosti za koje je tražena vodna saglasnost. Osvrt na „nulto“ stanje i vršenje uviđaja na licu mjesta dana 21.02.2024. godine dat je u poglavlju 13.

Na lokaciji vodozaštitne zone Babina rijeka nema objekata koji se koriste. Ranije je postojala šumarska kuća koja je izgorjela i ista je uklonjena, u vlasništvu G.J. Babino - Gračanica. Podnosilac zahtjeva tokom provođenja aktivnosti na kontrolisanoj sječi i krčenju šume, na prostoru zaštitnih zona izvorišta „Babina rijeka“, ne planira izgradnju niti jednog stalnog objekta, već samo postavljanje pokretnih/prenosivih kontejnera, eko WC kabina i sl.

Obilaskom primarne mreže šumskih puteva konstatovano je da su u relativno dobrom stanju i da se isti mogu koristiti za transport šumskih drvnih sortimenata tokom cijele godine.

Opisani su uticaji na režim tečenja površinskih i podzemnih voda sa mjerama koje je neophodno provoditi u zonama sanitarne zaštite radi sprječavanja i umanjenja negativnih posljedica usljed radova u šumi. Stanje šuma i šumskog zemljišta na ovom području, sa osvrtom na posljedice bespravne sječe šume i opis stanja šuma na području zona sanitarne zaštite, opisano je i poslužilo je kao osnova za obrazloženje planiranih aktivnosti i sistema gazdovanja skupinasto – predbornim sječama.

Osvrt na produkciju oborinskih i ostalih potencijalno zagađenih ili onečišćenjem opterećenih voda dato je posebnom poglavlju u kome se obuhvatila i problematika prikupljanja i konačnog zbrinjavanja krutog otpada koji nastaje prilikom uklanjanja grana, guljenja stabala i sl.

U Elaboratu je konstatovano da „Odluka o zaštiti izvorišta vode za piće Babina rijeka zeničkog vodovoda“, broj 02-25-16985/03 donesena 06.08.2003. godine od strane Vlade Zeničko-dobojskog kantona nije usklađena sa Pravilnikom o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje ("Službene novine Federacije BiH", br. 88/12).

JP „Vodovod i kanalizacija“ d.o.o. Zenica posjeduje važeću vodnu dozvolu broj: UP-1/21-3-40-336-3/22 izdatu od strane ove Agencije, za zahvatanje vode putem otvorenog vodozahvata „Babina rijeka“ za potrebe javnog vodosnabdijevanja. Tačkom 2.10. navedenog Rješenja data je napomena operateru JP „Vodovod i kanalizacija“ d.o.o. Zenica da je potrebno izvršiti usklađivanje postojeće Odluke prema Prijelaznim i završnim odredbama, član 15. Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje ("Službene novine Federacije BiH", br. 88/12).

Tačkom 2. dispozitiva ovoga rješenja utvrđena je svrha za koju se izdaje i za šta može da se koristi predmetna vodna saglasnost u skladu sa odredbama člana 108. stav (1) tačka 2. Zakona o vodama.

Tačkom 3. dispozitiva ovoga rješenja utvrđeni su uslovi koje je korisnik prava iz vodne saglasnosti dužan ispuniti u toku izvođenja planiranih radova, sve u skladu sa članom 108. stav (1) tačka 6. Zakona o vodama i članom 10. stav (1). Pravilnika o sadržaju, obliku, uslovima načinu izdavanja i čuvanja vodnih akata. Zbog promjena koje su se mogle desiti u vremenu od izrade tehničke dokumentacije do vremena kada će se ove aktivnosti obavljati, propisana je tačka 3.4.

Tačkom 4. dispozitiva ovoga rješenja propisana je obaveza korisnik prava iz vodne saglasnosti i odnosi se na obavezu donošenja i provođenja odluke o zaštite izvorišta prema članu 66. Zakona o vodama.

Tačkom 5. i 7. dispozitiva ovoga rješenja je propisan uslov koji je korisnik prava iz vodne saglasnosti dužan uvažiti u svrhu ispunjenja ciljeva 3., 4. i 8. iz člana 2. stav (1) Zakona o vodama.

Tačkom 9. dispozitiva ovoga rješenja propisana je važnost vodne saglasnosti u skladu sa odredbama člana 114. stav (6) Zakona o vodama.

Na osnovu utvrđenog činjeničnog stanja i dostavljene projektna dokumentacije a u cilju smanjenja negativnih uticaja predmetnih aktivnosti na stanje voda i vodni režim izvorišta „Babina rijeka“, podnosiocu zahtjeva su u dispozitivu Rješenja ove vodne saglasnosti propisani uslovi, u skladu sa članom 114. Zakona o vodama i članom 10. stav (1). Pravilnika o sadržaju, obliku, uslovima načinu izdavanja i čuvanja vodnih akata, a koje je investitor dužan ispuniti u toku izvođenja planiranih radova.

Podnosioc zahtjeva je uplatio upravnu taksu u iznosu 60,00 KM u skladu sa članom 7. stav 1. Tarifni broj 43. Zakona o federalnim upravnim taksama („Službene novine Federacije BiH“, broj 6/98, 9/08, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja. Žalba se predaje ovom organu neposredno ili preporučeno poštom. Žalba se taksira sa 15 KM administrativne takse.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta

Nihad Pezo, dipl.inž.građ.

Prilog: Ovjerena projektna dokumentacija: Elaborat za vodnu saglasnost za aktivnost kontrolisane sječe i krčenja šume na prostoru zaštitnih zona vodozahvata „Babina rijeka“, općina Zenica, urađen u augustu 2023. godine od strane pravnog lica „DESIGN&QC“ d.o.o. Sarajevo

**Po ovlaštenju
Rukovodilac sektora za izdavanje
vodnih akata**


Haris Ališehović, dipl.inž.građ.

Dostaviti:

- JP „ŠPD Zeničko-dobojskog kantona“ d.o.o Zavidovići (prilog)
Ul. Alije Izetbegovića br. 25, 72220 Zavidovići
- JKP „Vodovod i kanalizacija“ d.o.o. Zenica, Ul. Bistua Nuova br. 17, 72000 Zenica
- ⊖ AVP Sava – ISV Vodna knjiga
- Org.jed. 40 – Arhiva
- Oglasna ploča – AVP Sava